

JAVNO PREDUZEĆE «VODOVOD I KANALIZACIJA» d.o.o.

Z E N I C A

Direktor preduzeća

Broj: 101- 3837/24 DŽS
Zenica, 29.03.2024. godine

Na osnovu člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14, 59/22), na Preporuku Komisije za nabavku broj: 501-3835/24 DŽS od 29.03.2024. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU o izboru najpovoljnijeg ponuđača

I
Usvaja se Zapisnik o ocjeni ponuda sa preporukom za dodjelu ugovora za javnu nabavku broj: 501-3835/24 DŽS od 29.03.2024. godine u postupku dodjele ugovora za nabavku usluga nadzora nad izgradnjom vodovodnog sistema za naselje Pridražići i prihvata se preporuka Komisije za nabavke da se ugovor zaključi sa ponuđačem:

Zavod za vodoprivredu d.d. Sarajevo

kao najbolje ocijenjenom ponuđaču, prema ponudi protokolisanom pod brojem: 501-3778/24 od 27.03.2024. godine, za ponuđenu cijenu od 17.175,00KM, bez uračunatog PDV-a.

II

Prijedlog ugovora dostavit će se na potpis izabranom ponuđaču Zavod za vodoprivredu d.d. Sarajevo, u skladu sa članom 98. Zakona o javnim nabavkama.

III

Za izvršenje ove Odluke zadužuje se Komisija za nabavke, Služba za kadrovske i opšte poslove, te Komercijalna i Finansijska služba u preduzeću.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj: 39/14, 59/22).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-3214/24 BS od 14.03.2024. godine. Javna nabavka je provedena putem konkurentskog zahtjeva sa zaključivanjem ugovora na period od 10 mjeseci.

Procijenjena vrijednost javne nabavke bez uračunatog PDV-a je 18.000,00 KM.

Dana 15.03.2024.godine na Portalu javnih nabavki, istovremeno sa objavljivanjem Obavještenja o nabavci broj: 439-7-2-72-3-77/24 objavljena je i tenderska dokumentacija.

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 28.03.2024. godine.

Rok za dostavljanje ponuda je bio 27.03.2024. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su tri ponude u zatvorenoj koverti, i to:

1. INPROS d.o.o. Mostar
2. Zavod za vodoprivredu d.d. Sarajevo
3. TEAM HIDRO d.o.o. Sarajevo

Komisija za nabavku imenovana je Odlukom broj: 101-3365/24 ME od 18.03.2024.godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri),

- da su blagovremeno zaprimljene 3 (tri) ponude,
- da nema neblagovremeno zaprimljenih ponuda,
- ukupno 17 (sedamnaest) ponuđača je preuzelo tendersku dokumentaciju sa Portala javnih nabavki.

Komisija za nabavku je dana 29.03.2024. godine direktoru preduzeća dostavila Zapisnik o ocjeni ponuda broj: 501 – 3835/24 DžS od 29.03.2024. godine sa preporukom o izboru najpovoljnijeg ponuđača.

Ponuđač INPROS d.o.o. Mostar je dostavio ponudu ali je, međutim, propustio da izvrši obilazak lokacije. Ugovorni organ je posjetu i obilazak lokacije propisao kao obaveznu te je o tome vodio evidenciju. Komisija je ustanovila da nije evidentirana posjeta predstavnika ponuđača INPROS d.o.o. Mostar. Iz gore navedenog razloga ponuda ponuđača INPROS d.o.o. Mostar je nepravilna (član 2., tačka 1., stav 3. Zakona o javnim nabavkama BiH, „Sl. glasnik BiH“, 39/14, 59/22) te se odbacuje u skladu sa članom 68., tačka 4., stav (j). Zakona o javnim nabavkama BiH, „Sl. glasnik BiH“, 39/14, 59/22).

Ponuđač TEAM HIDRO d.o.o. Sarajevo je dostavio Rješenje kojem je prestalo da važi te je prezentirao da je u toku izdavanje novog Rješenja, međutim, nedostavljanjem važećeg Rješenja ponuđač nije ispunio uslove koji su traženi tenderskom dokumentacijom predmetnog postupka nabavke. Iz gore navedenog razloga ponuda ponuđača TEAM HIDRO d.o.o. Sarajevo je nepravilna (član 2., tačka 1., stav 3. Zakona o javnim nabavkama BiH, „Sl. glasnik BiH“, 39/14, 59/22) te se odbacuje u skladu sa članom 68., tačka 4., stav (i). Zakona o javnim nabavkama BiH, „Sl. glasnik BiH“, 39/14, 59/22).

Uvidom u priloženu dokumentaciju postupka broj: 406-3214-1/24 BS od 14.03.2024. godine – Nabavka usluga nadzora nad izgradnom vodovodnog sistema za naselje Pridražići, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama („Sl. glasnik BiH“, 39/14, 59/22), i članu 17. Uputstva za pripremu modela tenderske dokumentacije i ponuda („Sl. glasnik BiH“, broj: 90/14), nije našla osnovan razlog da izrazi sumnju da je cijena dostavljene ponude bilo kojeg ponuđača neprirodno niska.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

1. Zavod za vodoprivredu d.d. Sarajevo, sa ukupnom cijenom ponude u iznosu od 17.175,00 KM bez PDV-a

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela odluku da je najpovoljniju ponudu za nabavku usluga nadzora nad izgradnjom vodovodnog sistema za naselje Pridražići dao ponuđač Zavod za vodoprivredu d.d. Sarajevo, jer je ponuđač dostavio ponudu sa najnižom cijenom prihvatljive ponude, te Komisija predlaže da se sa navedenim ponuđačem kao najpovoljnijim zaključi ugovor.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom i člana 32. i člana 64., stav 1., tačka (b) Zakona o javnim nabavkama BiH („Službeni glasnik BiH“, broj: 39/14, 59/22) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema Odluke.

DOSTAVLJENO:

- 1 x Ponuđači
- 1 x Direktor preduzeća
- 1 x Pom.dir.za ekon. i prav.posl.
- 1 x Pom.dir.za tehn.posl.
- 1 x Pom.dir.za razvoj i invest.
- 1 x Tehnička služba - Zec
- 3 x Članovima Komisije
- 1 x Sekretar Komisije
- 1 x a/a


Direktor:
Rošalić Emir, dipl.ing.građ.